

Cartas nordic



Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2020

■ **Præstø, Danmark:** Idyllic es le parola que veni tosto in mente, quando on visita Præstø. Le citate de porto con 3.800 habitantes es situate in le sud de Selandia, 17 km nord-est de Vordingborg, e es le sede de un grande ecclesia que antea esseva parte de un monasterio. Le centro pavite comprehende multe casas vetere e ben conservate. Illos se data del prime parte del annos 1800, ma le urbe mesme esseva fundate circa 1200 – a ille tempore sur un insula. Durante un del numerose guerras inter daneses e svedeses, Præstø esseva le loco del qual le partisano danese Svend “Gønge” Poulsen essayava combatter le svedeses in le annos 1600.

Texto e photo:
Thomas Breinstrup



Questiones

1. Pote on appellar Præstø un grande urbe?

2. Describe le photo del carta. Pensa tu que illo es idyllic?

3. Ha Præstø un longe historia?

4. Que es peculiar con le foundation de Præstø contra le situation geographic de hodie?

5. Que significa “un centro pavite”?
